

事文類聚

後集

四十一、四十二

存
台61
2

漢書門	六一二六	函號
	一五二	架
	一三〇	冊

漢書門	六一二六	函號
	一五二	架
	一三〇	冊

内閣文庫	
番號	漢 6126
冊數	61 (21)
函號	365 31

0 1 2 3 4 5 6 7 8 9 10

A 1 2 3 4 5 6 M 8 9 10 11 12 13 14 15 B 17 18 19

Kodak Gray Scale

G Y M

© Kodak, 2007 TM: Kodak



綴じ部(喉部分)の文字など開きが不鮮明な箇所あり

事文類聚後集


廿之廿一

十一


2
41

館書圖京東			
一 三 〇 冊	六 〇 號	五 架	別 冊 函
			漢書門 類書類

不許帶出



新編古今事文類聚卷之十




後集

穆和父編

淺草文庫

肖貌部

髮



羣書要語

身體髮膚受之父母不敢毀傷孝

經拂髦總角注收髮結之內則髦

彼兩髦拍舟鬢髮如雲不屑髦也君子借老卷

髮如蠶都人士黃髮兒齒閔官予髮曲局采綠

尚猶詢茲黃髮則罔所愆秦誓黃髮垂髻陶文

詩句人生莫遣頭如雪雖得春風亦不消高樓
青銅不攬一兩日白髮又添三四莖趙全

古今事實

朱髮

共工人面蛇身朱髮歸藏啓筮

鬢髮而美

昔有仍氏女鬢黑而甚美光可以鑑名曰玄妻
左

剪髮為犧

殷旱五年湯乃以身禱剪髮自以為犧

被髮佯狂

箕子被髮佯狂接輿之被其髮也欲去而懼
其害楊子

斷髮文身

周太伯避位斷髮文身

一沐三握髮

周公戒伯禽曰一沐三握髮猶恐失天下之賢
人

被髮而祭

初平王東遷辛有適伊川見被髮而祭于野者

曰不及百年此其戎乎其禮先亡矣後秦晉遷
陸渾之戎於伊川僊

余髮種種

齊侯田于首盧蒲嫫見泣且請曰余之髮如此

種種短也余奚能為左

被髮左衽

孔子曰微管仲吾其被髮左衽矣

生而髮白

老聃初生而髮白故曰老子世說

年少髮白

顏回年二十九而髮白家語

怒髮衝冠

藺相如使秦持璧却立怒髮衝冠

鬚髮盡白

蘇武留匈奴十九年始以強壯出使及還鬚髮
盡白

以石拭髮

漢元鼎間郅支國貢馬肝石百升以之拭髮白
者皆黑帝坐羣臣於甘泉殿有髮白以此拭之
應手皆黑是時公卿語曰不願方伯惟願拭肝

石

髮鬢鬚美

謝靈運欲入遠公社遠公拒之曰子髮緝而鬚美面與身戾非令終之相運怒曰學道在心安以貌耶遠公笑而不答後果如所料嵩神虛鈔

書紀事

惡見髮白

後梁蕭啓惡見人髮白事之者必方便避之擔輿者冬月必須裹頭夏月則加蓮葉帽

曾祖拔白

齊高祖恒今左右拔白髮隆昌王高祖之孫年五歲戲於座前帝曰兒言我是誰答曰太翁帝曰豈有為人曾祖拔白髮乎即擲去鏡鑷

一宿髮白

齊謝超宗武帝收超付廷尉一宿髮白

編字髮白見著書門

題榜髮白見字學門

四十髮白

後魏李冲年四十鬢髮斑白

母病髮白

唐李日知母老病調侍數日鬚髮輒白

髮如線直

軒轅先生居羅浮山宣宗召禁中問道術能散髮箕踞用氣攻其髮條條如鐵線直大中遺事

皤然一翁

冲卿戲謂髮白者未鐻時皤然一翁鐻盡時公然一婆雜志

服藥髮白

寇萊公準年三十餘太宗欲大用尚以其少

準遽服地黄兼餌蘆朮以反之未幾鬚髮皓白

古今文集

雜著

白髮賦

晉左思

星星白髮生於鬢垂雖非青蠅穢我光儀策名觀國以此見疵將拔將鐻好爵是縻白髮將拔怒然自訴稟命不幸值君年暮逼迫秋霜生而皓素始覺明鏡惕然見惡朝生晝拔何罪之故予觀橘柚一一皤曄貴其素華匪尚綠葉願戢子之手攝子之鐻咨爾白髮觀世之途靡不迫榮貴華賤枯赫赫閭闔藹藹紫蘆弱冠來仕童

鬢獻謨甘羅乘軫子奇剖符英英終賈高論雲
衢拔白就黑此自在吾白髮臨欲拔瞋目號呼
何我之寃何子之誤甘羅自以辯慧見稱不以
髮黑而名著賈生自以良才見異不以烏鬢而
後舉聞之先民國用老成二老歸周周道肅清
四皓佐漢漢德光明何必去我然後要榮咨爾
白髮事故有以爾之所言非不有理曩貴耆老
今薄舊齒皤皤榮期皓首田里雖有二毛河清
難俟道時之變見歎孔子髮乃辭盡誓以固窮
昔臨玉顏今從飛蓬髮膚至昵尚不克終聊用

擬辭比之國風

擲銘

盧仝

人之有髮兮旦旦思理有身有心兮胡不如是
古詩

示僚佐

南史何長瑜

陸展染白髮將以媚側室青青不解久星星行
復出

謫居三適旦起理髮 蘇子瞻

安眠海自運浩浩潮黃宮日出露未晞鬱鬱濛
霜松老櫛從我久齒疎含清風一洗耳目明習

習萬覈通少年苦嗜睡朝謁常忽忽爬搔未云
足已困冠中重何異服轅馬沙塵滿風驟凋鞍
響珂月實與械杻同解放不可期枯柳豈易逢
誰能書此樂獻與腰金公

律詩

鐻白

韋莊

白髮太無情朝朝鐻又生始因絲一縷漸至雪
千莖不避佳人笑唯慙稚子驚新年過半百猶
歎未休兵

送隱者

杜牧

無媒徑路草蕭蕭自有雲林遠市朝公道世
間唯白髮貴人頭上不相饒

詩話

四十髮白

杜正獻公自少清羸若不勝衣年過四十鬢
髮即盡白歐公素出其門公謝事居宋歐適
來為守相與甚歡公年時八十憂國之意每
見于色歐公和詩有貌先年老因憂國事與
心違始乞身公得之大喜嘗自諷誦石林詩

話

鬚髯 髭附

羣書要語

奮髯抵几六帖 掀髯一笑坡集 離
離若緣坡之竹鬱鬱若春田之苗

王褒髯奴詞

髭口上鬚也髯頰鬚也鬣長鬚也 說文

詩句張公一生江海客身長九尺鬚眉蒼杜

古今事實

秃無鬚眉

傳說之狀秃無鬚眉荀子

滅髭為婦

衛蒯賸亂子羔滅髭鬚衣婦人之衣逃得出曰

父子爭國吾何為其間乎 幽通賦注

拔鬚為閹

秦太后拔嫪毐鬚眉為宦者

用兵鬚白

後漢岑彭從光武圍隗囂於西城帝留蓋延耿
弇圍之車駕東歸勅彭曰兩城若下便將兵南
擊蜀人苦不知足既平隴復望蜀每一發兵頭
鬚為白

捋鬚大奇

魏任城王章為北中郎將討烏桓有功歸太初喜將章鬚曰黃鬚兒大奇

捋虎鬚

吳朱桓還屯濡須權祖之桓奉觴曰臣當遠去願一捋陛下鬚無復恨權憑几前席桓進捋鬚曰臣今日真謂捋虎鬚矣

紫髯將軍

張遼問吳降人曰向有紫髯將軍是誰降人答曰是孫會稽也

髯參軍

郝超為大司馬桓溫參軍溫傾意禮待時王恂亦為溫主簿亦為所重府中語曰髯參軍短主簿能令公喜能令公怒

捋鬚不允

謝安捋桓伊鬚曰使君於此不允詳見笛門始見二毛

潘岳春秋三十有二始見二毛

作蝟毛磔

劉琰稱桓溫鬚作蝟毛磔

以抵朝鬚

鍾毓兄弟好嘲聞安陵能作調試共視之於是與弟共載從東門至西門一女子笑曰車中央殊高二鍾都不見車後一門生曰中央高者兩頭抵毓兄弟多鬚故以此嘲之世說

施鬚塑佛見端午門

二十鬚白

晉王彪之年二十鬚鬢皓白時人謂之王白鬚

鬚長五尺

劉曜身長九尺三寸垂髮過膝生而眉白目有赤光鬚髯不過百餘根而長五尺

鬚長四尺

魏季珪聲姿高暢眉目踈明鬚長四尺甚有威重

遭喪髮白

後魏睦夸年三十父喪鬚鬢致白後周柳敏

遭母憂旬日間鬚髮半白

齊髯公

許惇為司徒主簿以明斷見稱人號為鐵主簿又美髯下垂至帶省中號為長髯公齊文宣常

因酒截其半鬚只留一握惇懼不復敢長人號
為齊髯公 三國典畧

捋鬚進諫

陳宣帝因內宴王軌侍坐上壽捋帝鬚曰可愛
好老公但恨後嗣弱耳以叔寶非社稷主也

髭鬚如戟 見淫婦門

稱髯為羊

宋武帝狎侮羣臣各有稱目多鬚者謂之羊

藝眉種鬚

李庶以清辯每接梁客徐陵謂其徒曰唯有李
庶可語耳庶無鬚髯人謂天闔崔諶嘗翫庶曰
教弟種鬚取錐刺而為竅以馬尾插之世傳諸
崔多惡疾故庶答曰先以方回施貴族藝眉有
効然後種鬚邢邵笑謂諶曰卿不諳李庶何故
犯之

但稱好鬚

李緯為民部尚書太宗問曰房元齡聞李緯拜
尚書如何對曰玄齡但云李緯好髭鬚更無他
語太宗遽改緯洛州刺史

拂丞相鬚

寇萊公為相丁晉公參知政事嘗會食都堂羨
深公鬚謂起拂之公正色曰身為執政而親為
宰相拂鬚耶謂慙遺事

戲多髯

秦少游在東坡坐中或調其多髯少游曰君子
多乎哉東坡笑曰小人樊須也聞見錄

古今文集

古詩

荅裴仲謨摘白鬚行

秦少游

仲將題凌雲比詵鬚盡白陸展媚側室星星深
為黑人生如寄耳况復形與色澤壑藏山舟夜
半輸有力龐眉三不遇已矣何所惜二毛賦秋
興自愛頗姑息聞諸古竺乾毛髮因地得數窮
反其本螻蟻得而食妙年光可鑿炯若鴉羽戢
映杯何蒼蒼變化了無隙所以梵志云昔人已
非昔瞠然君勿笑子羽以貌失信美如容兒終
剪施摩詰我作白鬚行而得養生術

詩話

于思多鬚

山谷戲歐陽誠發詩云愛公好詩又能多老夫

何有更橫戈柰此于思百戰何按左傳華元巡城城者謳曰于思于思棄甲復來汪于思多鬚貌

滿面髭鬚

魯直嘗言髭多人踈秀者必貴密而短者必神氣不足駙馬都尉王台卿與殿帥曹貫道皆無鬚每指髭多者為中相法晉卿尚貴主嘗經從鞏洛間道有後唐莊宗廟默然念始治終亂意斯人必胡人觀神象兩眼皆髭也晉卿作詩寄貫道云代梁繼李號良圖却惑歌兒使喪軀試拂塵埃覘像貌元來滿面是髭鬚

以鬚為戲

丁晉公與楊文公遊處宴集必有談諧之語復皆敏於應答一日臺諫政文公因晚俟晉公之門方伏拜晉公亟謂文公曰內翰拜時鬚擎地文公隨聲答曰相公宴處幕滿天蓋揚美鬚髯而丁方盛張帷幙互相譏也

腹心

膽附

羣書要語

今予其敷心腹腎腸歷告爾百姓于朕志盤庚君之視臣如手足則

臣君如腹心孟子百姓怨氣滿腹後郊祀志

詩句一笑皆捧腹荆公蚤歲藜藿腹十圍便

腹貯天真並坎

心人心惟危道心惟微惟精惟一允執厥中禹

謨欲脩其身者先正其心大學我心匪石不可

轉也柏舟萬惡不可納於靈臺**注**心為神聖之

臺莊子至人之用心若鏡不將不迎應而不藏

已人心險於山川難知於天應帝王心固可使

如死灰乎齊物心無天遊則六鑿相攘外物學

問之道求放心孟子心之官則思告子心者形

之君而神明之主也問神心居中虛以治五官

荀子聖人清其天君荀子心搖搖然如懸旌而

無所終薄蘇秦傳包藏禍心左傳心之不同如

其面焉富辰傳心要在腔子裏伊川語錄心之

虛靈無有限量如六合之外思之即至前乎千

百世之已往後乎千萬世之未來皆在目前爾

人為利欲所昏所以不見此理朱語錄

詩句一日看除日三年損道心姚合人於心上

起經綸康節

古今事實

鼓腹而遊

赫胥氏之民含哺而嬉鼓腹而遊莊子

河魚腹疾

申叔展語還無社曰有麥麴乎曰無有山鞠窮乎曰無河魚腹疾柰何

足加君腹見隱逸門

腹便便見眠睡門

東林坦腹見擇婿門

曬腹中書見七夕門

腹中無物

王丞相導枕周伯仁膝指其腹曰卿此中何有答曰此中空洞無物然容卿輩數百人世說

腹藁見文章門

心有七竅以下係心

王子比干諫紂以為妖言妲己謂曰吾聞聖人之心有七竅竅有九毛遂剖視之列女

事君三心

孔子不見晏子曰晏子事三君而得順焉是有

三心所以不見也孔叢子

余心蕩

楚武王伐隨入告夫人曰余心蕩矣莊

心齋

顏淵曰敢問心齋仲尼曰惟道集虛虛者心齋也人間世

有兩心

褚先生曰武帝以任安坐觀成敗有兩心田叔傳

方寸亂見母子門

會心林木

簡文帝入華林園顧左右曰會心處不必在遠翳然林木便自有濠梁想覺魚鳥自来相親世說

狗面人心

符朗堅從兄初過江王忱與兄國寶命駕詣之

沙門法汰問朗曰是王吏部兄弟乎朗曰非一

狗面人心又一人面狗心者是耶忱醜而才國

寶美而狠故也裴景秦書

木人石心

賈充曰此吳人木人石心也夏統傳詳見風濤

之險門

鐵心石腸 見梅花門

一身是膽 以下係膽

蜀趙雲字子龍曹公爭漢中地運米北山下數
千萬囊雲與黃忠取米為公前鋒所擊且戰且
却入營大開門公軍疑而引去雲雷鼓震天弩
射公軍墮漢水死者甚眾先主曰子龍一身都
為膽也軍中號虎威將軍 後周王雅茫山之
敗諸將皆退雅獨拒之左右奮斬九級齊人稍
雅乃還周文曰王雅舉身是膽也

體青膽破

南史王融矯詔立竟陵王子良太學生魏準鼓
成其事及融誅召準入舍人省詰問遂懼而死
舉體皆青以為準膽破

膽大心小

孫思邈對盧照鄰曰膽欲大而心欲小

古今文集

律詩

寶山晝寢

蘇子瞻

七尺頑軀走世塵十圍便腹貯天真此中空洞

渾無物只可容君數百人

詩話

腹負將軍

東坡聞子由瘦云十年京國厭肥瘠日日饒花
壓紅玉從來此腹負將軍今者固宜安脫粟俗
云大將軍食飽捫腹而歎曰我不負汝左右曰
將軍固不負此腹此腹負將軍未嘗少出智慮
也志林

託鼓朝腹

面皮如許厚受打未遽央談數

雜著係心

論人心道心

朱元晦

心之虛靈知覺一而已矣而以爲人心道心之異
者以其或生於形氣之私或原於性命之正而
所以爲知覺者不同是以或危殆而難安或微
眇而難見爾然人莫不有是形故雖上智不能
無人心亦莫不有是性故雖下愚不能無道心
二者雜於方寸之間而不知所以治之則危者
愈危微者愈微而天理之公卒無以勝夫人欲

之私矣精則察夫二者之間而不雜也一則守其本心之正而不離也從事於斯無少間斷必使道心常為一身之主而人心每聽命焉則危者安微者著而動靜云為自無過不及之差矣

中庸序

求放心齋銘

朱元晦

天地變化其心孔仁成之在我則主于身其主伊何神明不測發揮萬變立此人極畧刻放之千里其奔非誠曷有非敬曷存孰放孰求孰亡孰有出申在臂反覆惟手防微謹獨茲守之常切問近思曰維以相之

主一齋銘

張欽夫

人之心一何危紛百慮走千岐惟君子克自持正衣冠攝威儀澹以整儼若思主于一復何之事物來審其幾應以專匪可移理在我寧彼隨積之久照厥微靜不偏動靡違嗟勉哉自邇卑惟勿替日在茲

手足

羣書要語

十手所指其嚴乎大學不知手之舞之足之蹈之也詩序上之親下

如手足之於腹心家語毒手尊拳五代史老拳
三國志下之於上若手臂之捍頭目而覆背腹
也荀議兵若跌弗視地厥足用傷說命逃空虛
者藜藿拄乎鼙馳之徑位其空谷聞人足音登
然喜矣徐無鬼搖足則關中非陛下有也蕭何
傳

詩句翻手作雲覆手雨杜惆悵江湖釣竿手却
遮西日向長安杜牧收取玉堂揮翰手却來南
畝把犁鋤歐濯足萬里流王維一夜蠶生足坡
手却東破皮肉死杜

古今事實

手胼足胝

禹決江河腓無胼脛無毛莊子手足胼胝面目
黎黑李斯傳

有文在手

成季之將生也桓公使楚丘之父卜之曰男其
名曰友及生有文在其手曰友遂以命之閔二
不龜手藥

宋人有不龜手之藥者世世以濟澠統為事客
聞之請買其方百金與越人水戰大敗越人吳

王裂地而封之注云其藥能令手不拘拆故常

漂絮於水中也莊子

如失左右手

蕭何追韓信漢王如失左右手

玉手同色

晉王衍每捉玉柄麈尾與手同色

炙手可熱

元載時委左右四人用事權傾中外人為之語

曰鄭揚段薛炙手可熱樂安公主元宗之妹

韋氏熱可炙手人咸畏之
手爪似鳥見神仙門

手重五斤

陸餘慶善論事而謬於判時朝之曰說事喙長

三尺判事手重五斤

下堂傷足以下係足

樂正子春下堂而傷其足數月不出猶有憂色

曰父母生而全之子全而歸之可謂孝矣公予

虧孝之道予是以有憂色祭義

獻玉則足見玉門

足重滿

楚欲攻宋墨子聞之自魯趨而十日十夜足重
繭而不休息至郢見楚王 申胥包如秦乞師
踰越險阻曾繭重胠立於秦庭號哭七日出通

賦注

兩足不相隨

衛侯之兄輒何為君也曰有天疾者不得入乎
宗廟輒兩足不能相隨齊謂之綦楚謂之蹶衛
謂之輒穀梁傳

不良于行

五繫之足不良于行曰跛也
斬笑變者見笑門

脚病乘輿

江州刺史王弘半道要淵明還州問其所乘答
云素有脚病向來藍輿亦足自反乃令一門生
二兒共輿之

以脚病廢

習鑿齒以脚病廢於里巷符堅滅樊鄧素聞其
名與釋道安俱舉而致焉與語大說以其蹇疾
裁堪半丁

脚短三寸

庾玉臺希之弟也希誅將戮玉臺子婦宣武弟
桓豁女徒跣求進閹禁不內女厲聲曰是何小
人我伯父門不聽我前因突入號泣請曰庾玉
臺常因人脚短三寸當復能作賊否宣武曰婿
故自急遂原玉臺一門世說

洗脚失財

梁陰子春傳身服垢汚脚數年一洗言每洗脚
則失財敗事云在梁州以洗足致梁州敗

膝久不屈

因承嗣教恨不執子義遣使至魏承嗣西望拜
拍其膝曰茲膝不屈於人久矣今為公拜

失轍方相

婁師德長大而貌異于眾又病足張元一目為
失轍方相

因蹇進諷

姚崇為相張說懼譖毀岐王申款他日崇對於
便殿行微蹇上問有足疾乎對曰臣有腹心之
疾非足疾也

古今文集

律詩

和周王孺墜馬傷手 蘇子瞻

平生學道已身完豈復兒童私自憐醉墜何曾
傷內守色憂當為念先傳書空漸覺新詩健把
蟹行看樂事全賣却老騶為酒直大呼鄉友作
新年

古詩係足

謫居三適夜卧濯足 蘇子瞻

長安大雪年束薪抱衾稠雲安市無井斗水寬
百憂今我逃空谷孤城鷓鴣得米如得珠食
瘴雲垂地薄海氣浮土無重腿藥獨以薪水瘳
誰能更包累冠履裝沐猴

髑髏

羣書要語

髑髏頂也 說文 賴廬謂之髑髏 廣雅

古今事實

扣問髑髏

莊子使楚見空髑髏擊以馬捶而問曰夫子貪

生失理而為此乎將有凍餒之患而為此乎語卒援髑髏見夢曰夫死無君於上無臣於下亦無四時之事與天地為春秋雖南面帝王樂不能過也

未嘗生死

列子適衛食於道從者見百歲髑髏撻蓬而拍顧謂弟子百豐曰唯予與彼知而未嘗生未嘗死也

擊着鞍上

王忠純因汎炎人五官將與共從駕出行過家間無何令取道邊死人髑髏著忠馬鞍上以為戲笑
魏畧

草生髑髏

陳留周氏婢名興進入山取樵夢見一女語之曰近在汝頭前目中有刺煩拔之當有厚報牀頭果有一朽棺頭穿壞髑髏墮地草生目中便為拔草內着棺中以甕塞穿即於髑髏處得一雙金指環

桓冲之述異記

安青竹上

元和初市有披麻短女子長三尺許咄咄若有

所尤每云千忍萬忍終須決一場不放伊忽一日遇一小兒徑前去其衣乃一青竹安髑髏耳

炙穀子

古今文集

雜著

髑髏說

陳王魏植

曹子遊乎陂塘之濱步乎藜穢之藪蕭條潛虛經幽踐阻顧見髑髏塊然獨居於是伏軾而問之曰子將結纓首劔殉國君乎將被堅執銳斃

三軍平好嬰茲固疾命員頃平好壽終歎堅歸幽冥乎叩遺骸而歎息哀白骨之無靈慕嚴周

之適楚儻託夢以通情於是伴若有來恍若有存影見容隱厲響而言曰子何國之君子乎既枉輿駕愍其枯朽不惜咳唾之音慰以苦言子則辯於辭矣然未達幽冥之情識死生之說也夫死之為言歸也歸也者歸於道也歸於道者身以無形為主故能與化推移陰陽不能更四節不能虧是故洞於纖微之域通於恍惚之度望之不見其象聽之不聞其聲挹之不冲滿之不盈吹之不調嘘之不榮激之不流凝之不停

寥落冥漠與道相拘偃然長寢樂莫是踰曹子
曰予將請之上帝求諸神靈使司命輟疾反子
骸形於是髑髏長呻廓皆曰甚矣何子之難語
也昔太素氏不仁無故勞我以形苦我以生今
也幸變而之死是反吾真也何子之好勞而我
之好逸子則行矣余將歸於太虛於是言卒響
絕神光霧除顧將旋軫乃命僕夫拂以玄塵覆
以縞巾爰將藏彼路濱壅以丹土翳以綠榛夫
存亡之異勢乃宣尼之所陳何神憑之虛對云

髑髏頌

黃魯直

黃沙枯髑髏本是桃李面如今不忍看當時恨
不見業風相鼓擊美目巧笑倩無脚又無眼著
便成一片

詩話

戰死髑髏

劉貢父詠史云自古邊功緣底事多因嬖倖欲
封侯不如直與黃金印惜取沙場萬髑髏往往
拍王韶李憲輩唐人曹松亦云憑君莫話封侯
事一將功成萬骨枯後村

魂魄

精氣為物游魂為變易魂氣歸于

天形鬼歸于地郊特牲氣者神之

盛也魂者鬼之盛也禮記天氣為魂地氣為鬼

淮南子魂者何謂也魂猶佗佗也行不休也動

則主於情鬼者白也猶着人者也主於性白虎

通子產曰人生始化曰魂既生曰魄左傳心之

精爽是謂魂鬼左傳師言欲求長生當對服大

也抱朴子魂也鬼而天地靈氣皆可接山川之神皆可役

詩句暖湯濯我足剪紙招我魂杜彭衙詩

古今事實

祓除招魂

鄭國之俗三月上巳於溱洧之上招魂續魄秉

蘭草祓除不祥韓詩外傳

魂氣無不之

延陵季子適齊長子死於贏博之間既封左祖

右社還其封曰若魂氣則無不之

魂魄思鄉

漢高祖謂沛父兄曰遊子悲故鄉吾雖都關中
萬歲後吾魂魄猶思沛也

魂魄登山

羊祜與鄒潤甫登峴山垂泣曰我百年後魂魄
猶當登此山也 襄陽耆舊傳

古今文集

雜著

招魂

宋玉

朱氏曰招魂者宋玉之所作也古者人死
則以其上服升屋履危北面而號曰魂
復遂以其衣三招之乃下以覆尸此禮所
謂復而說者以為招魂復魂又以為盡愛
之道而有禱祠之心者蓋猶冀其復生也
如是而不生則不生矣於是乃行死事此
制禮者之意也而荆楚之俗乃或以是而
施之生人故宋玉哀閔屈原無罪放逐恐
其魂魄離散而不復還遂因國俗託帝命
假巫語以招之以禮言之固為鄙野然其
盡愛以致禱則猶古人之遺意也是以太

史公讀之而哀其志焉若其譎怪之談荒
淫之志則昔人蓋已誤其譏於屈原今皆
不復論也

朕幼清以廉潔兮身服義而未沫主此盛德兮
牽於俗而蕪穢上無所考此盛德兮長離殃而
愁苦帝告巫陽曰有人在下我欲輔之魂魄離
散汝筮予之巫陽對曰掌籙上帝其命難從若
必筮予之恐後之謝不能復用巫陽焉乃下招
曰魂兮歸來去君之恒幹何爲乎四方些舍君
之些長人千何惟些不詳些魂兮歸來東些不可
石些彼皆習之鬼生必釋些歸來歸來不可以
託些鬼兮歸來南方不可以止些雕題黑齒得
人肉以祀以其骨爲醢些蝮蛇蓁蓁封狐千里
些雄虺九首往來儵忽吞人以益其心些歸來
歸來不可以久淫些鬼兮歸來西方之害流沙
千里些旋入雷淵靡散而不可止些帝而得脫
其外曠宇些赤螿若象玄峰若壺些五穀不生
藁菅是食些其土爛人求水無所得些彷徨無
所倚廣大無所極些歸來歸來恐自遺賊些魂

兮歸來北方不可以止些增冰峩峩飛雪千里
些歸來歸來不可以久些魂兮歸來君無上天
些虎豹九關啄害下人些一夫九首拔木九千
些豺狼從目往來佻佻些懸人以娛嬉役之深
淵些致命於帝然後得瞑些歸來歸來往恐危
身些魂兮歸來君無下此幽都些土伯九約其
角鬻鬻些敦胹血拇逐人馯馯些參目虎首其
身若牛些此皆甘人歸來歸來恐自遺災些魂
兮歸來入脩門些工祝招君背行先些秦篝齊

婁鄒帛各些召具披精水爾平些鬼兮歸來反
故居些天地四方多賊姦些像設君室靜聞安
些高堂邃宇檻層軒些層臺累榭臨高山些網
戶朱綬刻方連些冬有突夏夏室寒些川谷徑
復流潺湲些光風轉蕙汎崇蘭些徑堂入奧朱
塵筵些砥室翠翹挂曲瓊些翡翠珠被爛齊先
些荔阿拂壁羅博張些纂組綺縞結琦璜些室
中之觀多玼怪些蘭膏明燭華容備些二八侍
宿射遞代些九侯淑女多迅衆些盛鬢不同制
實滿宮些容態好比順彌代些弱顏固植蹇其
有意些姱容脩態絙洞房些蛾眉曼睩目騰光

些靡顏膩理遺視睇些離榭脩幕侍君之間些
翡翠帳飾高堂些紅壁沙版玄玉之梁些仰
觀刻桶畫龍蛇些坐堂伏檻臨曲池些芙蓉始
發雜芰荷些紫莖屏風文緣波些文異豹飾侍
陂陀些軒轅旣低步騎羅些蘭薄戶樹瓊木籬
些魂兮歸來何遠爲些室家遂宗食多方些稻
粱穡麥挈黃梁些大苦鹹酸辛甘行些肥牛之
臙臠若芳些和酸若苦陳吳羹些膾鱖炮羔有
柘漿些鵠酸臙鳧煎鴻鷓些露雞臙蟻厲而不
故室敬而無妨些肴羞未通女樂羅些噉鍾按
鼓造新歌些涉江采菱發揚荷些美人旣醉朱
顏酡些嫉光眇視目曾波些被文服纖麗而不
奇些長髮曼鬢豔陸離些二八齊容起鄭舞些
衽若交竿撫案下些竽瑟狂會擷鳴鼓些宮庭
震驚發激楚些吳歛蔡謳奏大呂些士女雜坐
亂而不分些放勳組纓班其相紛些鄭衛妖玩
來雜陳些激楚之結獨秀先些篔簹象棊有六
籀些分曹並進道相迫些成臬而牟呼五白些

晉制犀比費白日些鏗鍾搖簾楔梓瑟些娛酒
不廢沈日夜些蘭膏明燭華鐙錯些結撰至思
蘭芳假些人有所極同心賦些耐飲盡歡樂老
故些蒐兮歸來反故居些亂曰獻歲發春兮泪
吾南征棊蘋齊葉兮白芷生路貫廬江兮左長
薄倚沼畦瀛兮遙望博青驪結駟兮齊千乘懸
火延起兮玄顏烝步及驟處兮誘騁先抑鴛若
通兮引車右還與王趨夢兮課後先君王親發
兮憚青兕朱明承夜兮時不可淹臯蘭被徑兮

新各新甚其工水方上南風有極十里方易春

新編古今事類彙編卷之二十七

後集

建安祝穆和父編

肖貌部

眠睡

羣書要語

睡翕目也說文卧化其精神變化也寐謚也靜無聲也寢侵也損事

功也瞑泯也無知泯沒也釋名寢不尸語此人

以晝寢為黑甜青箱雜記君安得高枕而卧張

良傳煩惱毒蛇睡在汝心譬如黑蛇在汝室當

百一十卷之三十一

一

何以戒之鈞手併除之睡蛇既出乃可安眠遺

教經

詩句 日高丈五睡正濃軍將打門驚周公盧仝

我醉欲眠卿且去明朝有意抱琴來李白醉中

有客眠何害須信淵明未苦賢坡先生骨清少

眠睡長夜默坐數更鼓坡日長唯有睡偏宜半

脫紗巾落紈扇坡少思多睡無如我鼻息如雷

撼四鄰坡已為物象添詩瘦更被春陰長睡魔

石曼卿雲卧衣裳冷杜敲門驚晝睡韓平生睡

累留年睡作魔後村佳眠未知曉屋角聞晴哢

山谷晨雞催不起擁被聽松風山谷三盃軟飽

後一枕黑甜餘坡

古今事實

晝寢

宰予晝寢子曰朽木不可雕也糞土之墻不可

朽也予於予何誅

卧治

汲黯拜淮陽太守伏謝不受上曰君薄淮陽耶

顧淮陽吏民不相得徒得君重卧而治之

臣足加君腹見隱逸門

頭觸屏風見教子門

寢籍帝衣

董賢常與上卧起嘗晝寢偏籍上衣袖上上欲起恐動賢乃斷袖而起

朝師欲眠見師門

寢中奴縛

彭寵自立為燕王其妻數惡夢又多見變怪五

休

被酒坐睡

後漢劉寬嘗講經於靈帝前被酒坐睡

嘗憑几寢

王莽軍師外破大臣內叛憂懣不能食但飲酒啗鯁魚讀軍書倦因憑几寢不復就牀

驚眠便斫

魏武云我眠中不可妄近近便斫人亦不覺左右宜深慎此後佯睡所幸人竊以被覆之因便

斫殺自後安眠人莫敢近者

世說

義皇上人

陶潛戒子書五六月北窻下卧涼風暫至自謂
義皇上人

我眠卿去

淵明貴賤造之者有酒輒設淵明若先醉便語
客我醉欲眠卿可去其真率如此

台臺大鼾

許侍中瑛顧司空和俱為丞相從事當夜至丞

客曰此中亦難得眠處

世說

方卧起迎

謝暹即郎夏月嘗仰卧謝公清晨卒來未暇着
衣跣出屋外方躡問訊公曰汝可謂前踞後恭

世說

晝寢書裙見書學門

眠悟知姦

何裒為成都令嘗眠睡其覺悟便得姦詐咸畏
裒之發擿或以為有術得知之無敢復欺者益

郭者舊傳

行亦美睡

夏侯隱母登山渡水閉目美睡同行聞其鼾聲而不蹉跌人謂之睡仙續神仙傳

攝心無寐

震旦第四祖攝心無寐脅不至席僅六十年傳

燈錄

睡魔

降魔藏禪師傳秀師曰此無山精木怪汝翻作

睡相

徐光溥為相喜論時事大為李旻所疾光溥後不言每聚議假寐而已時號睡相外史擣杙

睡則半載

陳搏希夷先生每睡則半載或數月近亦不下月餘

睡一局

見棊門

古今文集

古詩

狂歌行

杜甫

與君行年校一歲賢者是兄愚者弟兄將富貴
等浮雲弟切功名好權勢長安秋雨十日泥我
曹鞞馬聽晨雞公卿朱門未開鎖我曹已到肩
相齊吾兄睡穩方舒膝不韞不巾踏曉日男啼
女哭莫我知身上須繒身中實今年思我來嘉
州嘉州酒重花繞樓樓頭喫酒樓下卧長歌短
歌還相酬四時八節還拘禮女拜弟妻男拜弟
幅巾輦帶不掛身頭脂足垢何曾洗吾兄吾兄

陳搏隱武當山後居華州雲臺觀多
閉門獨卧或累月不起周世宗召入
禁中扃戶試之月餘始開搏熟寐如
故嘗對御歌云

臣愛睡臣愛睡不卧氈不盖被片石枕頭簾衣
鋪地震雷掣電鬼神驚臣當其時正鼾睡閑思
張良悶想范蠡說甚孟德休言劉備這三四君
子只是爭閑氣爭如臣向青山頂頭白雲堆裏
展開眉頭解放肚皮且一覺睡管甚玉兔東生

紅輪西墜

昔有衣冠子金勵問希夷先生曰勵
向遊華山欲見先生先生睡未覺亦
有道乎先生笑而不言答以詩二章
常人無所重惟睡且為重舉世此為息
離神不動覺來無所知貪來心愈用
堪笑塵世中不知夢是夢

至人本無夢其夢本遊仙真人本無
睡睡則浮雲煙爐裏名為藥壺中別
有天欲知睡夢裏人蒲團盤兩膝竹
几閣雙肘此間道路熟徑到無何有
身心兩不見息息安且久睡蛇本亦
無何用鈎與手神凝疑夜禪體適劇
郊酒我生有定數祿盡空餘壽枯楊不
飛花膏澤回衰朽謂我此為覺物至
了不受謂我今方夢此心初不垢非
夢亦非覺請問希夷叟

午寢

黃魯直

讀書常厭煩燕處意坐馳動靜兩不
適塵勞敗天倪目昏生黥花耳聾喧
鼓鞞沉憂愁五神倦

劇委四肢不聊終日堪况乃久遠期投書曲肱
卧天遊從所之是身入華胥髣髴勝初時春蠶
眠巨箔夏蜩化枯枝今之隱几者豈有異子綦
覺寐須臾間良亦休我疲迺知大覺夢蓋此德
之歸誰為今日是二十二年非

律詩

午睡

陳後主

午醉醒來晚無人夢自驚夕陽如有意偏傍小

窻明

黃鸝

宿杜家亭子

賈島

山頭井是溪中石井底泉通竹下池宿客不眠
過夜半獨聞山雨到來時

車盖亭

蔡持正

紙屏石枕竹方牀手倦拋書午夢長睡起莞然
成獨笑數聲漁笛在滄浪

晝寢

黃魯直

紅塵席帽烏鞞裏想見滄洲白鳥雙馬齧枯筭

喧午枕夢成風雨浪翻江

晝寢

蘇子瞻

食罷茶甌未要深清風一榻抵千金腹搖鼻息
庭花落還盡平生未足心

懶起

邵堯夫

半記不記夢覺後似愁無愁情倦時擁衾側卧
未忼起簾外落花撩亂飛

齋居

陳無已

青奴白牯靜相宜老罷形骸不自持一枕南窗

鵝兒啞唳拖黃紫蜂子輕盈膩粉腰深院下簾
人晝寢紅薔薇架碧芭蕉

初夏午睡起

楊廷秀

梅子留酸軟齒牙芭蕉分綠與窻紗日長睡起
無情思閑看兒童捉柳花

春睡

蘇子瞻

別院簾昏掩竹扉朝醒未解接春暉身如蟬蛻
一榻上夢似楊花千里飛嗒爾暫能離世網陶
然直欲見天機此中有德堪為頌絕勝人間較

是非

夢

羣書要語

占夢掌其歲時觀天地之會辨陰陽之氣以日月星辰占六夢之吉

凶一曰正夢二曰噩夢三曰思夢四曰寤夢五

曰喜夢六曰懼夢春官召彼故老訊之占夢正月

陰氣壯則夢涉大水而恐懼陽氣壯則夢涉大

火而燔炳浮虛為疾者則夢揚沉實為疾者則

人無夢則子實人其寤惡夢其覺無憂大宗師至

三曰尸賊夢覺以左手躡人中二七過啄齒二

七遍反凶成吉夜遇善夢覺當摩目二七叩齒

三七遍真誥

古今事實

夢遊華胥

黃帝憂天下之不治竭聰明盡智力焦然飢色
奸黠昏然五情爽惑於是放萬機退而間居大
庭之館齋心服形三月不視政事晝寢而夢遊
於華胥氏之國其國無帥長自然而已其民無

嗜欲自然而已不知樂生不知惡死故無夭殤
不知親已不知踈物故無愛憎乘空如履實寢
虛若處牀雲霧不礙其視雷霆不亂其聽神行
而已黃帝既悟恬然自得曰今知至道不可以
情求矣又二十有九年天下大治幾若華胥氏
之國而帝登假列子

夢風后力牧

黃帝夢大風吹天下之塵垢皆去又聖人執千
鈞之弩驅羊數萬羣帝寤而歎曰風為號令執
能善牧者也天下豈有姓力名牧者於是依二
夢之占而求之得風后于海隅登以為相得力
牧於大澤進以為將世紀

夢人負鼎

湯思賢夢見有人負鼎抗俎對已而笑寤而占
曰鼎為和味俎者割裁天下豈有人為吾宰者
哉世說

夢得良弼

高宗夢得說使百工營求諸野得諸傅巖王曰

夢帝賚子良弼

夢與九齡

周文王謂武王曰汝何夢矣對曰夢帝與我九齡文王曰女以為何也武王曰西方有九國君王其將撫諸文王曰非也古者謂年齡齒亦齡也我百爾九十吾與爾三焉文王九十七而終武王九十三而終文王世子

考牧夢魚

宣王考牧詩牧人乃夢衆維魚矣旒維旗矣大

考室夢熊

宣王考室詩吉夢維何維熊維羆男子之祥維

虺維蛇女子之祥

夢天壓已

初穆子去叔孫氏及庚宗遇婦人使私為食而宿焉問其行告之故哭而送之適齊娶于國氏生孟丙仲壬夢天壓已弗勝顧而見人黑而上僂深目而猴喙號之曰牛助余乃勝之旦而皆召其徒無之且曰志之宣伯曰魯以先子之故

將存吾宗必召女召女何如對曰願之義矣魯人召之不告而歸既立所宿庚宗之婦人獻以雉問其姓對曰余子長矣能奉雉以從我乎召而見之則所夢也未問之名號之曰牛曰唯皆見其徒使視之遂使為豎昭四

夢祖道

楚子成章華之臺願與諸侯落之太宰遠啓疆來召公公將往夢襄公祖梓慎曰君不果行襄公之適楚也夢周公祖而行今襄公實祖君其

月公如楚

昭七

夢黃熊

鄭子產聘于晉晉侯有疾韓宣子逆客私焉曰寡君寢疾於今三月矣並走羣望有加而無瘳今夢黃熊入于寢門其何厲鬼也對曰以君之明子為大政其何厲之有昔堯殛鯀於羽山其神化為黃熊以入于內淵實為夏郊三代祀之晉為盟主其或者未之祀也乎韓子祀夏郊晉侯有間賜子產莒之二方鼎

昭七

夢立子

衛襄公夫人姜氏無子嬖人媯始生孟縶孔成子夢康叔謂已立元余使羈之孫圉與史苟相之史朝亦夢康叔謂已余將命而子苟與孔烝鉏之曾孫圉相元史朝見孔成子告之夢夢協故立靈公昭七

夢蘭見誕子門

結草夢報見報德門

夢二豎子見醫門

莫大之禍

夢射月

晉呂錡夢射月中占之曰姬姓日也異姓月也必楚王也左

夢監其腦

晉侯夢與楚子搏楚子伏已而監其腦子犯曰吉我得天楚伏其罪吾其柔之

夢為鳥

宋昭公夢為鳥味加於南門尾加於北門曰予

夢必立

夢奠兩楹見祭奠門

夢周公

孔子曰甚矣吾衰也久矣吾不復夢見周公

夢中占夢

長吾子謂瞿鵠曰夢飲酒者旦而哭泣夢哭泣者旦而田獵方其夢之不知其夢中之夢又占焉無異寤也固乃非常人之所知莊子

夢為蝴蝶見蝶門

夢神龜見龜門

夢游鈞天

趙簡子疾五日不知人及寤語大夫曰我夢之帝所游於鈞天廣樂九騫萬舞其聲動人也史

夢蕉覆鹿

鄭人有薪於野者遇駭鹿擊而斃之恐人見之也遽而藏諸隍中覆之以蕉不勝其喜俄而遺其所藏之處遂以為夢焉順塗而詠其事傍人有聞者用其言而取之既歸告其室人曰向薪者夢得鹿而不知其處吾今得之彼直真夢者

矣室人曰若將是夢見薪者而得鹿耶詎有薪者耶今其得鹿是若之夢真耶夫曰吾據得鹿何用知彼夢我夢耶其妻又疑其為夢薪者歸復其真夢藏之之處又夢得之之主案所夢而尋得之遂訟而爭之歸之士師士師欲二分之以聞鄭君皆互有夢覺之說相國曰欲辨夢覺惟黃帝孔丘列子

夢乘赤龍

光武召馮異曰我昨夜夢乘赤龍上天覺悟心

一夢捫天

和熹鄧后嘗夢捫天以訊占夢言堯舜攀天而上湯反舐天皆聖主之夢

夢吐白鳳見賦門

夢登天門

陶侃夢生八翼飛而上天見天門九重比登其八唯一門不得入闡者以杖擊之因墜地折其左翼

夢遷太守

鄧殷為淮南太守夢行水邊見一女子虎在後
來盪斷鞶囊占者以為水邊有女汝字也斷鞶
囊者新虎頭代舊虎頭也果遷汝陰

夢舞拍手

見火災門

夢狼啖脚

索統傳郡功曹張邈嘗奉使詣州夜夢狼啖一
脚統曰脚內被啖為却字會東虜反遂不行

夢竿中天

索統傳張斌當舉孝廉夢豎竿中天統曰此未

蜀蔣澆夜夢一牛頭懸在門下流血滂沱趙直
曰見血者事分明也牛角及鼻公字之象位當
為三公果為中書令

夢松生腹

吳丁固為尚書夢松生其腹上謂人曰松字乃
十八公也後十八歲吾其為公平卒如夢焉孫
皓傳

夢三刀

王濬夢三刀於梁上又益一刀李毅賀曰明府

其臨益州乎卒如其言

夢棺夢糞

或問殷浩將涖官而夢棺將得財而夢糞何也
曰官本臭腐財本糞土人以為名言

夢日繞城

晉明帝微行察王敦營壘敦正晝寢夢日環其
城驚起曰此必黃鬚鮮卑奴也

夢椽筆

王珣夢人以大筆如椽與之語人曰此當有大

張薦祖鷺為兒時夢紫文大鳥五色成文止其
庭大父曰吾聞五色赤文鳳也紫文鸞鷺也若
壯殆以文章瑞朝廷乎

三夢芻狗

魏文帝以周宣為中郎屬太史嘗有問宣曰吾
昨夜夢見芻狗其占何也宣曰君得美食耳有
頃出行果遇豐膳後又問曰昨夜復夢芻狗何
也宣曰君墜車折脚宜戒之果如宣言後又問
昨夜復夢芻狗何也宣曰君家失火當善護之

俄遂火起語宣曰前後三時皆不夢也聊試君耳何以皆驗宣曰此神靈動君使言故與真夢無異又問宣曰三夢芻狗而其占不同何也宣曰芻狗者祭神之物故君始夢當得飲食祭祀既訖則芻狗為車所鑠故中夢當墮車折腳車鑠之後必載為樵故後夢憂失火也

夢筆

夢破心

夢剖腸並見文章門

夢與臣別

魏證疾太宗夢與證別既寢流涕是夕證卒故白居易撰御製碑文云昔高宗得良弼於夢中朕今失賢臣於覺後

神祠謁夢

裴寂過華山祠祈神自卜夜夢老人謂曰君年踰四十當貴

夢手捧天

見天門

古今文集

雜著

論夢生於想

衛玠問樂令夢云是想樂曰形神不接豈是想耶衛曰因也樂曰未嘗夢乘車入鼠穴持麈啖鐵杵皆無想無因故也衛思不得成病樂為解析即瘥樂嘆曰此兒肖中必無膏肓之疾

東萊呂氏曰形神相接而夢者世歸之想形神不接而夢者世歸之因因之說曰因羊而念馬因馬而念車因車而念蓋固有牧羊而夢鼓吹

由蓋者矣是雖非今日之想實因於前日之想故因與想一說也信如是說無想則無因無因

則無夢舉天下之夢不出於想而已矣然叔孫穆夢童牛之貌於牛未至之前曹人夢公強之名於強未生之前是果出於想乎果出於因乎雖然起樂廣於九原吾知其未必能判是議也

博議

古今占夢

漢藝文志七略雜占十八家以黃帝長柳占夢十一卷甘德長柳占夢二十卷為首其說曰雜占者紀百家之象候善惡之證眾占非一而夢

為大故周有其官周禮太卜掌三夢之法一曰致夢二曰觥夢三曰咸陟鄭氏以為致夢夏后氏所作觥夢商人所作咸陟者言夢之得周人作焉而占夢專為一官以日月星辰占六夢之吉凶其別曰正曰噩曰忌曰寤曰喜曰懼季冬聘王夢獻吉于王王拜而受之及舍萌于四方以贈惡夢舍萌者猶釋采也贈者送之也詩書禮經所載高宗夢得說周文王夢帝與九齡武王伐紂夢協朕卜宣王考牧牧人有熊羆虺蛇

枕中記

沈既濟

開元七年道士呂翁者得神仙術行邯鄲道中息邸舍隱囊而坐俄見少年盧生衣短褐乘青駒亦止邸中與翁言笑盧生顧其衣裝弊褻乃歎曰大丈夫生世不諧困如是也翁曰子談諧

筆

方適而歎其困何也生日吾常志于學自惟青
紫可拾今已過壯猶勤吠畝非困而何言訖而
目昏思寐時主人方蒸黍翁乃探囊中枕以授
之曰子枕吾枕當令子榮適如志其枕青磁而
竅其兩端生俛首就之見其竅漸大明朗乃舉
身而入遂至其家數月娶清河崔氏女女容甚
麗生資愈厚明年舉進士登第釋褐轉渭南尉
俄遷監察御史轉起居舍人知制誥三載出典
同州遷陝牧移節汴州領河南道採訪使徵為
京兆尹是歲神武皇帝方事戎火余即史官也
吏部侍郎遷戶部尚書兼御史大夫為時宰所
忌以飛語中之貶端州刺史三年徵為常侍未
幾同中書門下平章事同列復誣與邊將交結
圖不軌下制獄中官為保之減死投驩州數年
帝知冤復進為中書令封燕國公生五子有孫
十餘人後以年逾八十病薨廬生欠伸而寤見
其身方偃於邸舍呂翁坐其傍主人蒸黍未熟
生蹶然而興曰豈其夢寤也耶翁謂生日人世
之適亦如是矣生慙然良久謝曰夫寵辱之道

窮達之運得喪之理死生之情盡知之矣此先生所以窒吾欲也敢不受教稽首再拜而去

大槐宮記

陳翰

淳于棼家廣陵宅南有古槐生豪飲其下因醉致疾二友扶生歸卧夢二玄衣使者曰槐安國王奉邀生隨二使上車指古槐入一穴中大城朱門題曰大槐安國有一騎傳呼曰駙馬遠降引生升廣殿見一人衣素練服朱華冠今生拜王王曰前奉賢尊命許令女瑤芳奉事君子有仙交驪成禮情禮日洽王曰吾南柯郡政事不理屈卿為守勅有司出金玉錦綉僕妾車馬施列廣衢餞公主行夫人戒子曰淳于郎性剛好酒為婦之道貴在柔順爾善事之生累日至郡有官吏僧道音樂來迎下車省風俗察疾苦郡中大理凡二十載百姓立生祠王賜爵錫邑位居台輔生五男二女榮盛莫比公主遇疾而薨生請護喪赴國王與夫人素服慟哭於郊備儀羽葆鼓吹葬主于盤龍岡生以貴戚威福日盛

有人上表云玄象謫見國有大恐都邑遷徙宗廟崩壞事在蕭牆時議以生僭侈之應王因命生曰卿可暫歸本里一見親族諸孫無以為念復令二使者送出一穴遂寤見家僮擁篲于庭二客濯足于榻斜日未隱西垣餘尊尚湛東牖因與二客尋古槐下穴洞然明朗可容一榻上有上壤為城廓臺殿之狀有蟻數斛二大蟻素翼朱首乃懷安國王又窮一穴直上南枝羣蟻亦處其中即南柯郡也又一穴盤屈若龍蛇狀遺摺卷是尺餘即盤龍山岡地性追思感歎知所之國有大恐都邑遷徙此其驗矣

財貨銘

李瑩

暇日讀夢書則曰夢虺夢糞者獲財因以銘之財貨將至夢寐可尋或穢或虺乃玉乃金穢可親歟虺可玩歟敢獻斯銘以激貪夫

律詩

疑夢

王維

莫驚寵辱虛憂喜莫計恩讎浪苦辛黃帝孔丘何處問安知不是夢中身

春夢

岑參

洞房昨夜春風起
遙憶美人湘江水
枕上片時春夢中
行盡江南數千里

夢

王介甫

黃梁欲熟且留連
謾道春歸莫悵然
蝴蝶豈能知夢事
遠遶飛墮晚花前

書定林院窻

王介甫

竹雞呼我出華胥
起滅篝燈擁燎爐
試問道人何所夢
但言渾忘不言無

江萬頃扁舟長載夢
身

絕句

劉貢父

青苔滿地初晴後
綠樹無人晝夢餘
惟有南風舊相識
徑開門戶又翻書

書御史臺壁

陳洙

清朝無事諫章疎
多病長年卧直廬
惆悵平生不如夢
春來三度到溪居

絕句

蘇子美

別院深深夏簟清
石榴開遍透簾明
樹陰滿地

日亭午夢覺流鶯時一聲

笑

羣書要語

啞笑也啞大笑也听笑貌欣笑喜也說文莞爾而笑論語盟嘽終日

注笑也嵇康琴賦是故哂之**注**哂亦作矧笑至

甚為矧語輒丑刃反然而笑莊子俯而掩口盧

胡而笑後應劭傳粲然皆笑左昭道爾而笑賓

戲笑言啞啞萃卦撫掌歡笑晉武記掀髯一笑

安樂則出門西向而笑論衡人生上壽百歲中

壽八十下壽六十病瘦死喪憂患其中開口而

笑者一月之中不過四五日而已莊子合坐皆

笑謂之哄堂哄堂笑不罰唐三院制

詩仰天大笑出門去我輩豈是蓬蒿人李媽

然一笑百媚生長恨歌

古今事實

欲褒妙笑

戎常寇周幽王擊鼓諸侯皆至褒姒大悅而笑

王欲褒姒之笑數擊鼓而諸侯至無寇及真寇
至擊鼓而諸侯不至遂為戎所滅呂春秋

使者遭笑

季孫行父禿晉卻克跛衛孫良夫眇曹公子首
僕同聘於齊齊使禿者御禿者跛者御跛者僕
者御僕者蕭同叔子處臺而笑之客不悅穀梁傳

時然後笑

子問公叔文子於公明賈對曰夫子時然後笑
人不厭其笑

戰新笑見龍妾門

平原君家趙勝樓臨民家民家有甃者槃散音

姍行汲平原美人居樓上見大笑之明日甃者

詣平原請曰臣聞君之喜士以能貴士而賤士

也臣願得笑臣者頭平原君笑應曰諾居半歲

賓客去者過半於是平原君乃斬笑甃者其後

門下乃復稍來

作齟齬笑

梁冀妻孫壽能作齟齬笑以為媚惑詳見滛婦
門

大笑纓絕

楚大發兵加齊齊王使淳于髡之趙請救兵賁金百斤車馬十馳淳于髡仰天大笑冠纓索絕

射雉妻笑見美女門

笑人寂寂見志氣門

大笑污憤

魏太祖為人佻易無威儀每與人談論戲弄言確盡無所隱及歡悅大笑至以頭沒杯案中肴膳皆沾污巾憤曹操別傳

禮貌多笑

右皆笑既出有司請推笑者亮曰孤尚不能忍况左右耶

嗔笑不同

宋謝莊代顏峻為吏部尚書峻毅不可犯莊有喧訴常權笑答之時人語曰顏吏部嗔而與人官謝吏部笑而不與人官

無怒好笑

孫登性無恙怒人或投諸水中欲觀其怒登既出便大笑

墮水而笑見風濤之險門

人笑齒冷

樂預傳曰此事人笑褚公至今齒冷無為効也

南史

笑中有刀

李義府容貌溫恭與人語必嬉怡微笑而狡險忌克故時人謂義甫笑中有刀

恐婢妾笑見問病門

笑比河清

笑面似靴皮

田元均在三司深厭干請不欲峻拒每溫顏強笑以遣之嘗曰作三司使數年直笑得面似靴皮

歸田錄

古今文集

雜著

三笑圖贊 跋見俳優門

蘇子瞻

彼三士者得意忘言盧胡一笑其樂也天嗟此

小童麋鹿犯猿爾各何知亦復粲然萬生
紛綸何鄙何妍各笑其笑未知孰賢

答王載言書 李翱

韓退之曰唯陳言之務去假令述笑哂之
狀曰莞爾則論語言之矣曰啞啞則易言
之矣曰粲然則穀梁子言之矣曰攸爾則
班固言之矣曰輾然則左思言之矣吾復
言之與前文何以異

嘯

羣書要語

其嘯也歌在應口而出聲也
汎 嘯吹聲雜字解詁

古今事實

倚柱而嘯

魯漆室之女過時未適人倚柱而嘯傍人聞之
心莫不為之慘者鄰婦從之遊曰何嘯之悲也
子欲嫁乎吾為子求偶漆室女曰吾豈為不嫁
之故而悲哉憂吾君老太子少矣

列女詳見憂
國門

但坐嘯

後漢成瑨為南陽太守委功曹岑暉郡中謠曰
南陽太守岑公孝弘農成瑨但坐嘯

抱膝長嘯

諸葛亮在荊州遊學每晨夜常抱膝長嘯

岸嘯嘯詠

謝奕桓溫辟為安西司馬猶推布衣之好在溫
座岸嘯嘯詠無異常日溫曰我方外司馬

掩鼻長嘯

桓宣穆使人尋廬山見一人謂之曰君過前嶺

狀如惡鼻呼不與言博陽記

倚柂長嘯

王廙字世將倚柂樓長嘯神氣甚逸王導謂廙
亮曰世將為傷時識事亮曰正足舒其逸氣耳

蘇門長嘯

阮籍性樂酒善嘯聲聞數百步籍嘗箕踞嘯歌
酣故自若時蘇門山中忽有真人在焉籍親往
尋其人擁膝巖顛遂登嶺從之箕坐相對籍乃
商略終古以問之佗然不應籍因對之長嘯有

間彼乃斷然笑曰可更作籍乃為嘯意盡退還
半嶺嶺顛嘈然有聲若數部鼓吹顧瞻乃向人
之嘯也

登樓清嘯

劉越石為胡騎所圍城中窘迫劉乘月登樓清
嘯胡騎聞之皆淒然長嘆

不廢我嘯見齒門

長嘯呼風

趙炳嘗臨水從船人乞渡船人不許炳乃張蓋

古今文集


雜著


嘯賦

晉成公綬

逸群公子體竒好異傲世忘榮絕棄人事於是
延友生集同好精性命之至機研道德之玄奧
邈跨俗而遺身乃慷慨而長嘯發妙聲於丹唇
激哀音於皓齒響抑揚而潛轉氣衝鬱而標起
協黃鐘於清角雜商於流徵飄遊雲於泰清
集長風乎萬里諒自然之至音非絲竹之所擬

是故聲不假器用不借物近取諸身役心御氣
動唇有曲發口成音觸歎感物因歌隨吟清激
切於筚篥優潤和於琴瑟列列颼揚啾啾響作
奏胡馬之長思向寒風乎北朔又似鴻鴈之揚
雛群鳴號乎沙漠故能因形創聲隨事造曲應
物無窮機發響速乃吟詠而發散聲繹繹而相
連心滌蕩而無累志離俗而飄然






事文類聚後集

廿二

十二

館書圖京東			
三〇	六〇	五	類書類
冊	號	架	函

東圖書印



古今事類賦卷之二十二

後集

穀菜部

穀

禾 黍 並附

建安祝穆和父編

淺草文庫

羣書要語

九穀 三農生九穀鄭司農注稷秫

黍稻麻大小豆大小麥 周禮 六穀

凡王之膳食用六穀鄭司農注稻黍稷梁麥苽

周禮 五穀 以五味五穀五藥養其病鄭司農注

麻黍稷麥豆 同上 百穀 梁者黍稷之總名稻者

既種之總名菽者衆豆之總名三穀各二十種
爲六十蔬果之實助穀各二十凡爲百穀楊泉
物理論五穀皆熟爲有年穀梁倣載南畝播厥
百穀詩載芟亟其乘屋其始播百穀七月穀賤
傷農昭帝詔

禾稼禾嘉穀也二月始生八月而熟得時之中
故謂之禾說文禾易長畝終善且有甫田十月
納禾稼七月我稼既同同上曾孫之稼如茨如

梁甫田大田多稼大田地之美者善養禾賈山
論子是家繼位民代食家繼位實代食惟好桑

黍以大暑而種故謂之黍說文秬墨黍秫一稔
二米爾雅麩赤黍也詩注薑赤苗芑白苗同上

黍稷非馨明德惟馨君陳華黍時和歲豐宜黍
稷也小雅豐年多黍多稌稻也亦有高廩萬億
及秣周頌黍稷稻梁農夫之慶甫田仲夏農乃

登黍月令

詩句龍亞百頃稻西風吹半黃杜牧之自注云
罷止稻名獲稻空雲水杜稻熟天風香香稻

三秋末並杜

古今事實

神農播穀

炎帝大庭氏下為地皇作耒耜播百穀曰神農
月令疏

后稷播穀

帝曰棄黎民阻飢汝后稷播時百穀

豳公播穀

周公陳后稷先公之由致王業之艱難也亟其
乘屋其始播百穀

問錢穀幾何

漢文帝問左丞相周勃曰天下錢穀一歲出入
幾何勃謝不知上亦問右丞相陳平平曰各有
主者陛下問錢穀責治粟內史

大風偃禾 以下係禾

武王既喪管叔及其羣弟泣言曰公將不利於
孺子天大雷電以風禾盡偃王啓金縢之書天
乃雨反風禾則盡起

異畝同穎

唐叔得禾異畝同穎獻諸天子

樊遲學稼

樊遲請學稼子曰吾不如老農

認稻弗爭

吳鍾離牧客居永興自墾荒田稻熟民有識認
牧以稻予民縣長欲繩以法牧為請得釋民慙
懼春稻得米六十斛還牧牧不受民輸置道旁
無敢取者 晉郭翻客居臨川欲自墾荒田先
立表題經年無主乃作稻將熟有認之者悉推
與之縣令聞而詰之以稻還翻遂不受

陶淵明為彭澤令公田悉令種秫稻妻子固請
種粳乃使二百五十畝種秫五十畝種粳

一莖九穗

光武生濟陽縣舍是歲縣界有嘉禾生一莖九
穗因名曰秀

黍離閔周 以下係黍

黍離閔宗周也周大夫行役過故宗廟宮室盡
為禾黍傷周室之顛覆彷徨不忍去故作是詩
也

先黍後棗

孔子侍坐於魯哀公設棗具黍哀公曰請用仲尼先飯黍而後噉棗左右皆掩口失笑公曰黍者非飯之也以雪棗也仲尼對曰丘知之矣夫黍者五穀之長也祭先王以為上盛果有六而棗為下祭先王不得入於廟丘聞之也君子以賤雪貴不聞以貴雪賤今以五穀之長雪果蔬之下是侵上忽下也

韓子

吹律生黍見地門

執盜者士謙曰窮困所致放之

古今文集

雜著

賀嘉禾表

柳宗元

嘉穀順成靈既昭格天人合應遐邇同心中賀伏惟皇帝陛下睿謀廣運神化旁行植物知仁祥圖應聖靈嶽不愆於贊祐燕谷用遂於生成豐稔既均知朔南之被澤休嘉克叶見天地之同和六穗慙稱於漢臣異畝耻書於周典自中

形外均慶同歡

古詩

憫農

李紳文粹

春種一粒粟秋收萬顆子四海無閑田農夫猶
餓死

鋤禾日當午汗滴禾下土誰知盤中食粒粒皆
辛苦

田家詞

元結

牛吒吒許角田确确旱塊敲牛蹄趵趵音剥種

轉轉一日官軍收海服驅牛駕車食羊肉歸來

收得牛兩角重鑄鋏犁作斤斲姑舂婦擔輸促
促輸官不足歸賣屋農死有兒牛有犢不遣官
軍糧不足

野老歌

張籍

老翁家貧在山住耕種南山三四畝苗疎稅多
不得食輸入官倉化為土歲暮鋤犁倚空室呼
兒登山收橡實西江賈客珠百斛船中養大長
食肉

律詩

觀稼

楊廷秀

井字行都整花香遠已甜穗肥黃俯首芒動紫
掀髯風攬平雲陣聲鬆缺月鏹不愁禾把減高
廩却愁添

米 粟同

羣書要語

蒸民乃粒注米食曰粒益稷樂歲
粒米狼戾多取之而不為虐滕文

粟禾子也嘉穀實也粟之為言續也說文獻粟

者梁方欒獻米者梁量鼓曲禮雖有粟吾得而
食諸詩一粟非不多也公孫廩人維粟

章

詩句為問浙東米貴賤老夫乘興欲東遊杜解

悶故人供飯米杜訓高使君乞米助饋餉荆公

白露黃梁熟杜新炊間黃梁杜

古今事實

為親負米

子路見孔子曰由也事二親之時常食藜藿之
實而為親負米百里之外詳見父母門

食貴於玉

蘇秦謂楚王曰楚國之食貴於玉薪貴於桂又云食玉炊桂詳見謁見門

索長安米

東方朔言臣若無用宜棄捐無索長安米

指與困米

魯肅以振窮士為務甚得邑人歡心周瑜為居巢長將數百人故過候肅并告資糧肅家有困米各三千斛乃指一困與瑜瑜益知其奇也遂相親結定僑札之分

吳全琮父乘為桂陽守使琮齎米數千斛至吳交易琮皆賑給士大夫空船而還柔奇之

為米折腰

陶淵明為彭澤令郡督郵至縣應束帶見之歎曰我不能為五斗米折腰向鄉里小兒即日解印綬去賦歸去來以遂其志

不受米舟

王脩齡貧乏陶胡奴為烏程令送米一船荅曰王脩齡飢自就謝仁祖索食不須陶胡奴米世說

有麥諱米

齊劉懷惠為齊郡守人有餉新米一斛者懷惠出所食麥飯示之曰食有餘幸不煩此

鼠雀耗

梁張率為新安太守遣家僮載米三千石還宅及至遂耗其半率問其故答曰鼠雀耗率笑曰壯哉鼠雀竟不研問

寄載多取

梁庾詵嘗乘舟從山舍還載米百五十石有人寄載三十石至宅寄載者曰君三十石我百五十石詵默然不辨其意其取足

干米取侮

梁忱絢少貧干宗黨得米數百斛為宗人所侮覆米而去及貴不以為憾

乞米帖

顏魯公乞米於李文夫帖云拙於生事舉家食粥而已數月今又罄乏實用憂煎

盜米易酒

陽城嘗絕糧遣奴求米奴以米易酒醉卧于路城與弟迎之奴未醒乃負以歸及覺痛咎謝城

曰寒而飲何害焉

發粟振貧以下係粟

武王發鉅橋之粟以振貧弱萌隸史記

不食周粟

伯夷叔齊聞西伯善養老往歸焉值武王東伐
紂叩馬諫左右欲刃之太公曰此義人也扶而
去之武王平殷亂天下宗周伯夷叔齊耻之不
食周粟而餓死

為母請粟

子華使於齊將子為其母請粟子曰與之金請
益曰與之度子曰亦之適齊也粟則黑不與
吾聞之也君子周急不繼富

得粟與鄰

原思為之宰與之粟九百辭子曰毋以與爾鄰
里鄉黨乎

小收大貸

田釐子乞為齊大夫收賦稅於民以小斗受之
其粟予民以大斗行陰德於民由此得齊衆心
田乞卒子常立復脩釐子之政以大斗出貸以
小斗收齊人歌之曰嫗乎采芑歸乎田成子

因飢乞粟

晉荐飢使乞糴於秦秦於是輸粟於晉命之曰
汎舟之役僖十

閉糴無報

晉飢秦輸之粟秦飢晉閉之糴故秦伐晉晉侯
使韓簡視師復曰出因其資入因其寵飢食其
粟三施而無報是以來也

移民移粟

梁惠王河內凶則移其民於河東移其粟於河
內河東凶亦然

鄭飢而未及麥民病子皮以子展之命餼國人
粟戶八鍾

貸粟願早

莊周往貸粟於監河侯監河侯曰諾我將得邑
金貸子三百金周忿然曰若乃言此不如早索
我枯魚之肆

獨窳倉粟

宣曲任氏為督道倉吏秦之敗豪傑皆爭金玉
而任氏獨窳倉粟楚漢相距民不得耕種米石

至萬豪傑金玉盡歸任氏貨殖傳

據教倉粟

酈食其說高祖曰教倉天下轉輸久矣急據教倉之粟

入粟拜爵

晁錯說文帝曰方今之務莫若使民務農務農在於貴粟貴粟之道在於以粟為賞罰合募天下入粟縣官得以拜爵除罪

陳粟相因

武帝太倉之粟陳陳相因充溢露積于外腐敗不可食未嘗悔征伐之事下詔以越邊郡捐粟

都尉

古今文集

古詩

貸米於如晦

梅堯臣

舉家鳴鵠鴈突冷無晨炊大貧丐小貧安能不相嗤幸存顏氏帖况有陶公詩乞米與乞食皆是前人為

贈盧仝

韓愈

先生結髮憎俗徒閉門不出動一紀至今鄰僧

乞米送僕忝縣尹能不耻

冬春行序見十二月

范至能

臘中儲蓄百事利第一先春年計米羣呼步確
滿門庭運杵成風雷動地節勺箕健無糶糠百
斛只費三日忙齊頭圓潔箭子長隔籬耀日雪
生光土倉瓦龕分蓋藏不蠹不腐常新香去年
薄收飯不足今年頓首炊白玉春耕有種夏有
糧接到明年秋刈熟隣叟來觀還嘆嗟貧人一
飽不可餘官租私債紛如麻有米冬春能幾家

楊廷秀

有虞有宋雙重華兩聖一心民一家綠針刺水
農事起重華愁早從此始黃雲登場萬寶秋重
華對天失却愁二十八年臨玉座太半光陰愁
裏過天顏憂喜丞相知常平使者陳便宜倡為
社倉首建溪盱江吳札承君師伯霜仲雪發爾
私支竒霍魃手莫施活幾偃子幾凍梨詔子又
孫孫又子箇是重華聖人意無論十世百千世
律詩

楊德逢送米與法雲二老作此詩

王介甫

盧仝不出憎流俗我卜郊居避俗憎仝有隣僧
來乞米我今送米乞鄰僧

詩話

白粲

杜子美稻畦詩秋菰成黑米精鑿儲白粲精鑿
出左傳粢食不鑿儲謂治米使白也

紅鮮

杜詩玉粒足晨炊紅鮮任霞散紅鮮言飯紅潤
之色又收稻詩云紅鮮終日有玉粒未吾慳

豆

麥

羣書要語

菽者衆豆之總名物理論大豆菽
也小豆荅也豆角謂之莢其葉謂

之藿廣雅箕豆莖也說文

麥來小麥也牟大麥也廣雅毛氏曰牟麥也詩

箋麩麥播種而耨之注麩麥大麥也孟子孟夏

之月麥秋至月令農乃登麥同上芄芄其麥

麻麥蒙蒙並詩

詩句 割盡黃雲稻正青 荆公細麥落輕花 崆

峒小麥熟且願休王師 並杜麥黃韻 鷓鴣 桑

下麥青青 韓黃花入麥稀 粹麥隴多秀色 選麥

芒漲天搖青波 柳

古今通

煮豆然箕 見兄弟門

進豆粥 見粥門

撒豆厭勝 見婢妾門

貽來牟 以下係麥

思文后纓克配彼天貽我來牟帝命率育

不獲民麥

宓子賤為單父宰齊攻魯父老請曰麥熟請放
民皆使出獲麥宓子不聽曰若使不耕者得獲
是使民樂有寇也 家語

麥秀兩岐

前張堪為漁陽太守勸民農種以致殷富百姓

歌曰桑無附枝麥秀兩岐張君為政樂不可支

讀書漂麥 見讀書門

馬行犯麥

魏太祖嘗行經麥中令卒士無敗麥犯者死騎

士皆下馬持麥以相付時太祖馬騰入麥中太祖曰制法而自犯之何以帥下然孤為軍帥不可殺請自刑因援劍割髮以置地曹瞞傳

古今文集

古詩

歸園田居

陶潛

種豆南山下草盛豆苗稀晨興理荒穢帶月荷鋤歸道狹草木長夕露沾我衣衣沾不足惜但使願無違

打麥

張舜民

打麥打麥彭彭颯颯聲在山南應山北五月太陽出東北纔離海嶠麥尚青轉到天心麥已熟鷓旦催人夜不眠竹雞呼雨雲如墨大婦腰鎌出小婦具筐逐上壠先捋青下壠已成束田家以苦乃為樂敢憚頭枯面焦黑貴人薦廟已嘗新酒醴雍容會所親曲終厭飫勞僮僕豈信田家未入唇盡將精好輸公賦次把升斗求市人麥秋正急又秧禾豐歲自少凶歲多田家辛苦可奈何將此打麥詞兼作插禾歌

律詩

次秀野刈麥韻

朱元晦

貽年夙昔但聲歌今見郊園樂事多且喜甌婁
符善禱未須蘆蕨顰去聲妖娥霞觴政自誇真
一香鉢何煩問畢羅我欲賣刀來學稼不知還
許受塵磨小說八有中麥毒夢紅裳娘子悲歌
有一丸蘆蕨火吾宮之句

蔬菜

壘附

羣書要語

菜謂之蔬不熟曰饅爾雅亦曰藪

露白薤負霜

潘岳賦

春卯友筍秋韭冬菁

蘇

殺紫薑拂撒羶腥

並南都賦

蘋蘩蘊藻之菜可

羞於王公左我有旨蓄亦以御冬

谷風

八月斷

壺七月其藪伊何維笋及蒲

韓奕

仲秋之月命

有司趣民務蓄菜月令

雖蔬食菜羹瓜祭必齋

如也語十膾土酥如練魏夫人帖

菰

又謂之茭白歲久中心生白臺謂之菰米其

臺中有黑者謂之茭薺至後結實乃雕胡黑米也本草

薯蕷 生於山者名山藥秦楚名玉延珠真入千

金方

芋 名蹲鴟

詩句 摘我園中蔬選畦蔬遶茅屋自足媚盤食

每愧無畦菜空令卸馬鞍 自鋤稀菜甲小摘

為情親 園蔬抱金玉 夜雨剪春韭 並社隣

舍與園蔬 杜訓高使君菜本如白玉陳去非玉

人憐我長蔬食走送厨珍自不嘗山谷長安冬

菹酸且綠金城土酥淨如練注土酥今之蘆菹

禮 朝齋暮鹽 韓進學解 懲於羹者吹於齋 楚詞

仲冬菜經霜蕪菁葵等雜菜乾之並為鹹菹有

得其和者並作金釵色南人作鹹菹以糯米熬

搗為末并研胡麻和釀之石筵令熟菹既甜脆

汁亦酸美 荆楚歲時記

薯蕷 山舍粟米飯野菜淡黃齋傳燈錄金花屑

橙齋 高適念子朝夕勤鹽齋歐

古今事實

飯蔬飲水

古今事實卷三十一

孔子曰飯蔬食飲水曲肱而枕之樂亦在其中矣

薑不多食

孔子不撤薑食不多食

擇菜

宣尼窮於陳蔡之間顏回擇菜又曰顏回不茹葷三月莊子

拔其園葵

公儀休為魯相食葵而美拔其園葵而棄之不與人爭利

馬逸踐葵

魯漆室女曰昔晉客舍吾家繫馬於園馬佚踐吾園葵使吾終歲不厭葵味詳見憂國門

服黃菁子

陸通字接輿與妻俱隱蜀峨眉諸名山食菌櫨實服黃菁子俗傳以為仙高士傳

食芋厭葱

徐無鬼見魏武侯武侯曰先生居山林食芋栗厭葱韭以賓寡人久矣夫莊子

崱山蹲鴟

卓氏之先趙人秦破趙遷卓氏之蜀曰吾聞嶠山之沃野有蹲鴟至死不飢乃求遠遷致之於臨邛

張騫得種

張騫奉使還始得大蒜首蓿

自食菜羹

後漢崔瑗愛士好賓客盛脩肴膳殫極滋味不問餘產居常食菜羹而已

瓦器蔬食

後漢宣秉常蔬食瓦器

蘇峻之亂庾太尉南奔見陶公陶公雅賞重陶性儉吝及食敢薤庾因留曰陶問用之何為庾公曰故可種於是大歎

菜名避諱

有蔡郎者父諱純遂呼蓴菜為露葵面墻之徒迺相做效有士人聘齊主客郎李恕問曰江南有露葵否荅曰露葵是蓴菜水鄉所出今所食者綠葵耳顏氏家訓

勸食菜

見食物門

野人獻芹見錄述

秋風思尊見思錄

挑菜傷指

范宣挑菜傷指大啼曰身體髮膚不敢毀傷故

啼藝文類聚

燕用菜果

桓温性儉每燕唯下七奠梓菜果而已

常食唯菜

吳隱之為廣州清操愈勵常食不過菜及乾魚

而已

梁武帝太官常膳唯以菜蔬

菜食老葉

齊江泌性仁孝食菜不食心以其生意惟食老葉而已

未嘗食薑

梁周捨占對辯捷嘗與裴子野語及嗜好子野云從來未嘗食薑捨應聲曰孔稱不撤裴乃不嘗一座皆悅

販葱為業

梁呂僧珍為冠軍將軍封平固侯其先以販葱為業及僧珍貴其兄子棄業求官僧珍不許曰汝等自有常分豈可妄求但當速歸葱肆耳

為守種菜

梁蔡搏為兵興守不飲郡井齋前自種白莧紫茄以為常餌詔褒其清

二十七種

庾杲之清貧自樂食惟有韭菹淪韭生韭雜菜任昉戲之曰誰謂庾郎貧食有二十七種謂三

種韭也南史李崇為尚書令富而儉食常無肉止有韭菹韭菹菜名李元祐謂人曰李令公

食十八種人問其故元祐曰二韭十八聞者大

笑雞跖集

春韭秋菘

齊周顥隱鍾山王儉謂曰卿在山中何所食荅曰赤米白鹽綠葵紫蓼又問何者最佳曰春初早韭秋末晚菘

受蒜不食

周黨見閔仲叔食無菜遺之生蒜仲叔曰我欲省煩耳今更作煩耶受而不食高士傳

懶殘食芋

李泌在衡嶽有僧明瓚號懶殘性懶而食殘故
云泌察其非凡人夜往謁之瓚發火芋啗之曰
勿多言領取十年宰相本傳

蒸葫蘆見食味門

種菜貽笑

冲晦處士李退夫者為事矯怪居京師北郊一
日種葫蘆俗傳主人口誦猥語則茂退夫撒薑
密誦曰夫婦之道人倫之正云云不絕于口忽
有客至命其子釋之子執餘種曰大人犯曾上
聞皇祐中館閣中或談論則曰宜撒薑菜

江南野錄

咬得菜根

汪信民嘗言人常咬得菜根則百事可做胡康
侯聞之擊節嘆賞聞見錄

食蕓得蛭以下係齏

楚惠王食寒蕓而得蛭因吞之新序

韭萍齏

石崇為客作豆粥咄嗟便辨每冬得韭萍齏王
愷密問其帳下云豆至難熟豫作熟味客來但

作白粥投之韭萍蘘是擣韭根雜以麥苗耳

蘘汁爲美

太宗皇帝命蘇易簡講文中子有揚素遺子食經羨藜含糗之說上因問食品何物最珍對曰物無定味適口者珍臣止知蘘汁爲美臣憶一夕寒甚擁爐痛飲夜半吻噪中庭月明殘雪中覆一蘘盃連咀數根臣此時自謂上界仙厨鸞脯鳳胎殆恐不及屢欲作冰壺先生傳紀其事因循未果也

上笑而然之僧文瑩王壺清

雜著

菜生異花

菜品中蕪菁菘芥之類遇旱其標多結成花如蓮花或作龍蛇之形此常性無足怪者熙寧中李賓客及之知潤州園中菜花悉成荷花仍各有一佛坐于花中形如雕刻莫知其數暴乾之其相依然或云李君之家奉佛甚謹因有此異

筆談

王延賦

陳去非

吾聞陽公之田不墾不耕爰播盈斗可獲連城
資陰陽之淑氣孕天地之至精蜿蜒赤堠之腴
煌扈白虹之英驚山木之潤發冒朝采之餘榮
逮百嘉之澤盡候此王之豐成王公大人方以
不貪爲寶辭秦玉而陋楚珩雖三獻其奚售乃
舉贄於老生老生囊中之法未試腹內之雷久
鳴舉石鼎以自濯搯豕腹之彭亨春江浩其波
濤遠怒颯以松聲俄白雲之漲谷亂雙眼於晦
明擅人間之三絕色味勝而香清捧盃盃而笑
頰映戶牖之新晴乍去懶殘之芋盡棄接輿之
薯收奇勳於景刻已未落而體輕凌厲八仙壩
除三彭見蓬萊之夷路接閭闔於初程彼徇華
之大夫張景陽上命徇華大夫造冲漠公子其
七命末云浮蟻星沸飛華萍接元后嘗其味儀
氏進其法傾壘一朝可以流通千日含三生之
伯醒汙之以蜂蜜辱之以羊羹合堂逸少之炙
同傳孝儀之鯖喚超然之至味乃陸沉於聾盲
豈皆能於我遇亦或卿而或烹左傳石乞曰事
克以爲卿不克則烹起援筆以三呌馳蛇蚓以
縱橫吾何與大夫之迷疾列子蔡人逢氏子有

迷罔之疾視白以為黑享香以為臭嘗甜以為
苦也蓋以慰此玉之不平也

老圃賦

洪舜俞

嗟余生之刺乖甘徇密而即疏痛虺墮其倦游
羸盤薄乎閑居老既怯於山橋窮莫備乎澤車
坐玩相牛之經間抄種樹之書五十步兮野園
數百步兮破廬一充翁以自樂羣癡兒而共鈕
冰解寒祛霏開日舒濯濯我畦瀏瀏我渠釋甲
怒長鮮莢蔚扶涉熟成趣騅然忘劬翁放鋤顧
葱溼且胸烈有桂椒滑有莖榆已多乎燧人庖
犧氏之初而况織翠屠蘇殷紅艷能淋漓觴聲
轟虺鐘竽猩唇豹胎之鼎素齏紫駝之厨始饒
涎其趨新中便腹而厭餘於是輦臊望風而引
卻芳辛候色而應須擷翠茗於崑丘掇瑤穎乎
方壺蔗漿盛夏而凍合萍蘂祁寒而煖敷行以
白玉奉之綠珠五侯鯖兮遜美天酥飽兮失腴
此其遇合不啻初識之機雲晚見之嚴徐也若
乃岩壑棲遲竹屋槿籬尊擅塲於秋風空結鱸

魚之思非爭長於春雨未辨黃梁之炊荻生而
河豚上橙熟而蟹螯肥指雖動而莫訓腹不負
其幾希已而凌寒采薇近陽刈葵祛萱堂背檐
芹澗湄饒黃獨之雪苗筐白薤之露蕤茗蘼蕪
以滌煩醪枸杞而補羸冷淘煮芍槐苗鱠鮑斫
芍蘆滋泫膏鈿芍雹突飮糞火芍蹲鴟酣糟菘
薑之掌冰醞青陳之絲雲蒸罌粟之乳濤洵胡
牀之糜輪困鵝鴨之瓠爵屈龍蛇之芝婆娑熊
蟠之松鬢髮虬髯之落鱗孕子芍搜魚鼈解裙
芍對維竹鏡羽維子蘇初拳芍小兒以至太
華之藕黃河之茹婆羅之波穠大宛之首蓂南
越之麻角江東之耑蹄與夫蜀之雞蘇龍鶴枹
脯加皮名器紛綸色光陸離性異溫涼氣分玉
衰毫擇加精調肺得宜香聞爽心味適解眉有
舉按之接敬無轆金之見欺芬芬苾苾雜陳更
進可以甦文園之渴療首陽之飢彼其石芥老
而逾勁苦笋少而已竒痺育拂士之風菊抱幽
人之姿回睨蔓菁隨地而易質薯蕷視人而變
形曾不滿乎一啜矧肯數乎惡苴邪蒿臭蒜而
穢萋然是蔬也進不榮於珥貂鳴玉之齒退不

豪乎酒削胃脯之頤煙雲歎薄乎夜讀之吻風
露皴蕩乎朝吟之脾與齋鉢其爭道食方丈乎
何期其不遇可知已兒拱而前其然豈然諸葛
以姓行元脩以字傳玉糝得坡老而重銀茄為
涪翁而妍與其見賞於肉食之鄙孰若託名於
粹茹之賢蓋窮患媵名之不立而不患併日之
食粥達患伯學之不能行而不患一筋之萬錢
苟道義之信飽飯蔬食而樂焉翁捧腹一笑長
歌振林皎白駒之束芻母金玉兮爾音

題畫菜

黃魯直

不可使士大夫不知此味不可使天下之民有

此色

古詩

題張處士菜園

高適

耕地桑柘間地肥菜常熟為問葵藿資何如廟
堂肉

次劉秀野蔬食十三韻

朱元晦

乳餅

清朝薦蔬盤乳餅有真味不用精瓊糜無勞爛
羊胃

新筍

脩脩江上林白日暗風雨下有萬玉虬三冬卧
寒土

紫萼

誰將紫芝苗種此槎上土便學商山翁風餐謝
肥瘠

子薑

薑云能損心此謗誰與雪請論去穢功神明看
朝徹

寒菜翳秋塘風葉自長短勢心一飽餘并得壯

敷軟

南苻

黃龍記昔遊園客有佳遺不為洛生吟輟食時
擁鼻

焯菜

小草有真性託根寒澗幽懦夫曾一嚼感憤不
能休

木耳

疎腸久自安異味非所誇樹耳黑垂聃登盤今

亦乍

蘿蔔

紛敷剪翠叢津潤擢玉本寂寞病文園吟餘得
深齧

芋魁

沃野無凶年正得蹲鴟力區種萬葉青深煨奉
朝食

筍脯

南山春筍多萬里行枯腊不落盤食中今知綠
如簞

豆腐

種豆豆苗稀力竭心已腐早知淮南術安坐獲
泉布

白蕈

聞說閩風苑瓊田產玉芝不收雲表露烹瀹詎
相宜

園蔬十詠

劉彥冲

茭白

秋風吹折碧削玉茹芳根應傍鵝池發中懷洒
墨痕

芋

分得蹲鴟種連根占地腴
曉炊黏玉糝深碗啖
模糊

韭

肉食嘲三九終怜氣韻清
一畦春雨足翠髮剪
還生

瓠

漑釜熟輪菌香清味仍美
一線解瓊瑤中有佳
人齒

葉實抱芳辛氣烈銷煩滯登姐效微勞作食

頻嚏

菘

周郎愛晚菘對客蒙稱賞
今晨喜薦新小嚼冰
霜響

波稜

金鍬因形製臨畦發永嘆
時危思擷佩楚客莫
納蘭

子薑

新芽肌理膩映日淨如空
恰似勻收指柔尖帶

淺紅

蘿蔔

密壤穿根蒂風霜亦飽經如何純白質近蒂染微青

苦蕒

雖無適口味暖益功稀比菜苦不登盤言忠多逆耳

種蒿苳

杜甫

昔兮蔬之常隨事藝其子破塊數席間荷鋤功易止兩旬不甲并空惜埋泥宰野莫迷汝來宗生實於此因知刑干正掩抑至沒齒中國陷艾老圃永為耻登于白玉盤籍以如霞綺莧也無所施胡顏入筐篚

答劉原父寄糟薑

梅聖俞

名園萬家城千畦等封侯斲當燕去前醃芽費糟丘無筋偃王笑有味三閭羞寄入翰林席聖以不撤優又寄蓬門下作賦誰肯休唯我廣文舍免為齏鹽仇劉公漢家裔才學歆向儔曾懷飽經史辨論出九州曾不奉權貴但與故人投贈辛非贈甘此意當自求

元脩菜并序

蘇子瞻

菜之美者有吾鄉之巢故人元脩嗜之余亦嗜之元脩云使孔北海見當復云吾家菜耶因謂之元脩菜余去鄉十有五年思而不可得見元脩適自蜀來見余於黃乃作是詩使歸致其子種之東坡之下云

彼美君家菜鋪田綠茸茸夏莢圓且小槐芽細而豐種之秋雨餘擢秀繁霜中欲花而未萼一如青蟲是時青羣女採擷何忽忽蒸之復湘之香色蔚其饒點酒下鹽豉縷登毛薑葱那如雞與豚但恐放箸空春盡苗葉老耕種雨霽潤隨甘澤化暖作青泥融始終不我負力與糞壤同我老忘家舍楚音變兒童此物獨嫵媚終年繫余胃君歸致其子囊盛勿函封張騫移首藉適用如葵菘馬援載薏苡羅生等蒿蓬懸知東坡下春齒化千鍾長使齊安人持此說兩翁

雨後行菜

蘇子瞻

夢回聞雨聲喜我菜甲長平明江路濕並岸飛兩槩天公真富有乳膏瀉黃壤霜根一番滋風葉漸俯仰未任筐筥載已作盃盤想艱難生理

窄一味敢專享小摘飯山僧清安寄真賞芥藍
如菌蕈脆美牙頰響白菘類羔豚冒土出踏掌
誰能視火快小竈當自養

種決明

黃魯直

后皇富嘉種決明注方術耘耔一席地時至觀
茂密縹葉資芼羨緗花馬蹄實霜叢風雨餘皴
皴場功畢枕囊代曲肱甘寢聽芬苾老眼願力
餘讀書真成癖

種菜

劉彥冲

食屠爾輩

春菜

蘇子瞻

蔓菁宿根已生莢韭芽戴土拳如蕨爛蒸香薺
白魚肥碎點青蒿涼餅滑宿酒初消春睡起細
履幽畦掇芳辣茵陳甘菊不負渠繪縷堆盤織
手抹北方苦寒今未已雪底波稜如鐵甲豈知
吾菊富冬蔬霜葉露芽菜更茁久拋松葛猶細
事苦笋江豚那忍說明年投効徑須歸莫待齒
搖并髮脫

次韻子瞻春菜

黃魯直

北方春蔬嚼冰雪妍暖思采南山蕨韭苗水餅
姑置之苦菜黃雞羹糝滑蓴絲色紫菰首白薑
蒿牙甜焯頭辣生蘆入湯翻手成芼以薑橙誇
縷抹驚雷菌子出萬釘白鵝截掌鼈解甲琅玕
森深未飄籜軟炊香粳煨短茁萬錢自是宰相
事一飯且從吾黨說公如端為苦笋歸明日青
衫誠可脫

櫻筍

蘇子瞻

增君木魚三百尾其狀如魚剖之得如魚子味
如苦笋中有櫻黃子魚子夜叉剖瘦欲分甘

磷詩棕櫚葉散夜叉頭籜龍藏頭敢言美願隨
蔬果得自用勿使山林空老死問君何事食木
魚烹不能鳴固其理

答永新宗令寄石耳

黃魯直

飢欲食首山薇渴欲飲潁川水嘉禾令尹清如
冰寄我南山石上耳筠籠動浮煙雨姿淪湯磨
沙光陸離竹萌餌粉相發揮芥薑作辛和味宜
公庭退食飽下筋把菊避席遺芹蘘鴈門天花
不復憶况乃桑鵝與楮雞小人藜藿亦易足嘉

疏遣餉荷眷私吾聞石耳之生常在蒼崖之絕
壁苔衣石腴風日炙捫蘿挽葛採萬仞側足委
骨豺虎宅佩刀買犢劍買牛作民父母今得職
閔仲叔不以口腹累安邑我其敢用鮭菜煩嘉
禾願公不復甘此鼎免使射利登峩峩

蕈子

楊廷秀

空山一雨山溜急漂流桂子松花汁土膏鬆暖
都滲入蒸出蕈花團戢戢戴穿落葉忽起立撥
開落葉百數十蠟面黃紫光欲濕酥莖嬌脆手
經拾響如鵝掌味如蜜滑以蕈絲無點並金不
如笠金勝笠香留齒牙麝莫及松蒸楮雞避席
揖餐玉茹芝當却粒作羨不可踈一日作腊仍
堪贈盈笈

羅仲憲送焯菜謝以長句

楊廷秀

學琴自有譜相鶴自有經疏經我緒盡不見焯
菜名金華詩裏初相識玉友尊前每相憶坐令
芥孫姜子牙一見風流俱避席取士取名多失
真向來許靖亦誤人君不見鄭花不得半山句
却參魯直稱門生

律詩

煮菜

蘇子瞻

秋來霜露滿東園
蘆菔生兒芥有孫
我與何曾同一飽
不知何苦食雞豚

奉和孫奉議送菜絕句

黃魯直

春蔬照映庾郎賓
遣騎持籠佐茹葷
却得齋廚厭滋味
白鵝存掌斃留裙

謝楊履道送銀茄

黃魯直

陳說道約日送菜把

黃魯直

南山疇昔從諸父
雨甲煙苗手自鉏
三徑就荒歸計拙
溷煩僚友送園蔬

田園雜興

范至能

桑下春蔬綠滿畦
菘心青嫩芥臺肥
溪頭洗擇店頭賣
日暮裹鹽沽酒歸

海雨江風浪作堆
時新魚菜逐春回
荻牙抽笋河鮑上
棟子開花石首來

梅子金黃杏子肥
麥花雪白菜花稀
日長籬落

無人過惟有蜻蜓蛺蝶飛
撥雪挑來蹋地菘味如蜜藕更肥濃
朱門肉食無風味只作尋常菜把供

蕓菜

楊廷秀

藿曰文辭粲受辛子牙為祖芥為孫
勸君莫渴獨醒客只渴高陽社裏人

謝阮隱居致薤

杜甫

隱者柴門內畦蔬遠舍秋盈筐
承露薤不待致書求東比青芻色圓齊
玉筋頭衰年關膈冷味

賀七兄山蕓湯

黃魯直

厨人清曉獻瓊糜正是相如酒渴時
能解飢寒勝湯餅畧無風味笑蹲鴟
打窻急雨知燃鼎亂眼睛雲看上匙
已覺塵生雙井椀濁醪從此不須持

山藥

朱元晦

恠來朽壤耀瓊英小斲頃筐可代耕
豢豹於人儘無分蹲鴟從此不須生
雪鏡但使人長徒石鼎何妨手自烹
欲賦玉延無好語羞論蜂蜜與羊羹

春山笋蕨

楊廷秀

庖鳳烹龍世浪傳
猩唇熊掌我無緣
只逢笋蕨杯盤日
便是山林富貴天
穉子玉膚新脫錦
小兒紫臂未開拳
只嫌嶺外無珍饌
一味春蔬不直錢

病中屏肉味獨茹菜羹飯甚美

楊廷秀

雲子香抄玉色鮮
菜羹新煮翠苜纖
人間膾炙無此味
天上酥陀恐爾甜
渾是土膏含雨露
何須管豉與鹽
鹽茹毛禍首
雁巫出饒到熊藩未

古詩以下係齋

食齋

陳去非

君不見領軍家有鞋一屋
相國藏椒八百斛
士患飢寒求免患
癡兒已足憂不足
伯龍平生受鬼笑
無錢可使宜見瀆
但當與作謫仙詩
聊復使渠終夜哭
詩中有味甜如蜜
佳處一噉三鼓腹
空腸時作不平鳴
却恨恐饑猶未熟
冰壺先生作玄傳
木奴魚婢何足錄
顏生狡獪還可憐
晚食由來未忘肉

鹹齏十韻

陸務觀

九月十月屋瓦霜家人共畏哇蔬黃小罌大甕
淨滌濯青菘綠韭謹蓄藏天氣初寒手訣妙吳
鹽正白山泉香挾書旁觀稚子喜洗刀竭作厨
人忙園丁無事卧曝日棄葉狼籍堆空廊泥為
緘封糠作火守護不敢非時嘗人生各自有貴
賤百花開時促高宴劉伶病醒相如渴長魚大
肉何由薦凍齏此際價千金不數狐泉槐葉麵
摩娑便腹一欣然作歌聊續冰壺傳

庾郎晚菘翡翠茸金城土醃玉雪容如何俱墮

瑶甕中却與醯雞同闕宮金井銀牀水清泚雪
山冰谷鹽輕脆秋風一月釀得成字曰受辛非
麴生太學徐生朝復暮茹冷啜寒那可度十年
雪汁凍蔬腸一夜飢雷聽更鼓不如甕頭吏部
甕頭醒一逢受辛還一醒畢卓與爾同死生
律詩

芹齏

楊廷秀

茆薑馨辣最嘉蔬孫芥芳辛不讓渠蟹眼嫩湯
微熟了鵝兒新酒未醒初棖香酸醎作三友露

寒菹
葉霜芽知幾鋤
自笑枯腸成破甕
一生只解貯

新編古今事文類聚卷之二十二

後集

存
561
2

(1157)

1157

(1157)

1157

1157

1157